

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. गृहमंत्री अमित शाह होरें पाकिस्तान कन्नै गल्लबात दी संभावना गी खारज करदे होई आखेआ जे आतंकवाद ते गल्लबात कन्नो कन्नी नेई चली सकदे। उनें दफा 370 गी इतिहास करार दिंदे होई आखेआ ऐ जे एह हून परतियै ब्हाल नेई होई सकदी।
2. जम्मू कश्मीर च विधानसभा दे दुए गेड़ लेई दाखल नामजदगिएं चा 266 मेदवारें दे नामांकन जायज पाए गे न।
3. भारत नै बैलिस्टिक मिसाइल अग्नि-4 दा चांदीपुर थमां कामयाब प्रक्षेपण कीता।
4. 10एं दिनें दा गणेश चतुर्थी महोत्सव अज्जै थमां शुरू।

<><><><><><>

HM Article 370

केन्द्री गृहमंत्री अमित शाह होरें जम्मू कश्मीर थमां 370 ते 35ए गी हटाए जाने दे फैसले दा जोरदार समर्थन करदे होई आखेआ जे 370 सदा सदा लेई दफन होई चुके दा ऐ ते बीजेपी इसी ब्हाल करने दे जतनें गी कदें कामयाब नेई होन देग। जम्मू कश्मीर विधानसभा चुनाएं दे प्रचार लेई कल जम्मू पुज्जे, दे अमित शाह होरें इनें चुनाएं लेई पार्टी दा मैनीफेस्टो यानि घोषणा पत्र बी जारी कीता। उनें आखेआ जे जम्मू कश्मीर च दफा 370 हटने दे बाद इत्थें आतंकी गतिविधिएं च बड़ी मती कमी आई ऐ ते पिछले 10एं ब'रें च जम्मू कश्मीर च रमानदारी आला माहौल ऐ ते जन्नी बट्टे मारने आलियां घटनां बी हुन खत्म होई चुकी दियां न। उनें आखेआ जे दफा 370 हून इतिहास बनी चुके दा ऐ जेहड़ा कदें परतोने आला नेई ऐ। उनें इस गल्लै गी जकीनी बनाने दी सगंध चुक्की जे दफा 370 कुसै बी सूरतै च वापस नेई आवै। अमित शाह होरें जम्मू कश्मीर च "तरशंकू विधानसभा" दी संभावना थमां इंकार करदे होई आखेआ जे बीजेपी होर कोई विकल्प तुपोग पर पीडीपी, नेशन कांफ्रेंस ते कांग्रेस दी परिवार वाद आली सरकार बनाने दा सुआल गै पैदा नेई होंदा। जम्मू कश्मीर गी परतियै राज्य दा दर्जा देने बारे गल्ल करदे होई गृहमंत्री होरें आखेआ जे उनें एह वायदा संसद च कीते दा ऐ जिसी बनकदा समें औने पर जरूर पूरा कीता जाग।



HM-Indo Pak Talks

गृहमंत्री अमित शाह होरें पाकिस्तान कन्नै गल्लबात दी संभावना गी खारज करदे होई आखेआ ऐ जे बम्ब ते गल्लबात किट्टे-किट्टे नेइ चली सकदे। गृहमंत्री होरें आखेआ जे जम्मू कश्मीर चा आतंकवाद गी भलेयां खत्म करी दित्ता जाग। एह सुआल पुट्टदे होई जे जम्मू कश्मीर च आतंकवाद दे चलदे 40 जहार लोकें दी जान जाने दा जिम्मेदार कु'न ऐ, गृहमंत्री होरें इस बारे जवाबदेही तैह करने लेई श्वेत पत्र जारी करने दी घोशणा कीती। बीजेपी नेता नै बक्खवाद आली सोच अगगें गोडे टेकने पर पिछलिणं सरकारें दी सख्त नुख्ताचीनी करदे होई आखेआ जे जम्मू कश्मीर थमां दफा 370 गी हटाइयै रमानदारी, विकास ते समाजी न्याय गी जमीनी सतह पर ब्हाल कीता गेआ।



Phase 2 Scrutiny

266 मेदवारें दा नामांकन जम्मू कश्मीर विधानसभा चुनाएं दे दुए गेड़ लेई जायज पाया गेआ ऐ। 26 विधानसभा चुनावी हल्कें च इस गेड़ तैहत जम्मू ते कश्मीर संभाग च 25 सितम्बर गी वोट पोआए जांगन। 15 विधानसभा हल्कें कश्मीर दे गांदरबल, श्रीनगर ते बडगाम च ते 11 हल्कें जम्मू दे राजौरी, पुंछ ते रियासी जिलें च दुए गेड़ च मतदान होग। जम्मू च राजौरी च 39 मेदवार, पुंछ च 30 ते रियासी च 22 मेदवारें दा नामांकन वैध करार दितता गेआ ऐ ते नामांकन वापस लैने दी खीरी तरीक 9 सितम्बर 2024 ऐ। जियां गै पैहले बी दस्सेआ गेआ जे जम्मू क्षेत्र च दुए गेड़ दा मतदान गुलाबगढ़, रियासी, श्री माता वैष्णो देवी, कालाकोट-सुंदरबनी, नौशेहरा, राजौरी, बुद्धल, थन्नामंडी, सुरनकोट, पुंछ हवेली ते मेंढर विधानसभा हल्कें च होग।



MCC Violations

आदर्श अचार संहिता दी खलाफवर्जी करने आले खलाफ कारवाई करदे होई चुनां मैहकमे नै 9 एफआईआर दर्ज कीतियां न, 5 मलाजमें गी मुअत्तल कीता ऐ, 23 मामलें च चेतावनी जारी कीती ऐ ते 48 मामलें च इन्क्वायरी यानि पुच्छ-गिच्छ शुरू करी दित्ती ऐ। इस बारे जारी इक ब्यानै च मुख्य चुनां अधिकारी हुंदे दपतरै आखेआ ऐ जे समूलचे केन्द्र शासत प्रदेश च 16 अगस्त गी आदर्श अचार संहिता लागू होने दे बाद थमां एहदी खलाफवर्जी दिएं 96 शकैतां हासल होइयां हियां। जिदें चा 53 सरकारी मलाजमें खलाफ, 2 मीडिया कर्मिणं खलाफ ते 24 होरने लोकें दे खलाफ हियां। इंदे चा 89 शकैतां बेबुनियाद पाइयां गेइयां हियां। उआं चुनावी गतिविधिणं च हिस्सा लैने पर 5 सरकारी मलाजमें गी सस्पेंड करी दित्ता गेआ ऐ।

<><><><><><>

CEO Kishtwar

जम्मू कश्मीर दे मुख् च्नुनां अधिकारी पी.के.पोले होरें कल किश्तवाड़ जिले दा दौरा कीता ते उत्थें च्नुनां प्रबंधें दा पूरा पराता जायजा लैता। उनें इनद्रवाल, किश्तवाड़ ते पाड्डर नागसेनी हल्कें च चलै करदे च्नुनां सरबंधी कम्मै ते गतिविधिं दा बी मुआयना कीता। आकाशवाणी जम्मू संवाददाता नै जानकारी दित्ती ऐ जे दौरे दरान लग्गी दी बैठकां च मुख् च्नुनां अधिकारी होरें बाकी तैआरिं दा जायजा लेने दे इलावा सरबंधत अधिकारिं गी जोर देइयै आखेआ जे ओ स्वीप गतिविधिं गी जारी रखन तां जे मते शा मते लोक वोट पाने लेई प्रेरत होन ते अपने इस लोकतांत्रिक अधिकार दा इस्तेमाल जरूर करन।

<><><><><><>

RNU Special Programme

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रऊं गेड़ें च होने जा'रदे विधानसभा चुनाव 2024 दे सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क श्रृंखला शुरू करा'रदा ऐ। इस सिलसिले च 12 सितंबर थमा 15 मिनट दे 10 विशेष कार्यक्रम 12,14,16, 20, 22, 24, 26, 27, 28 ते 30 सितंबर गी बडले 8:45 बजे प्रसारित कीते जांगन जिंदे च जम्मू संभाग दे हर जिले दा ऐतिहासिक, पर्यटन ते राजनीतिक अवलोकन पेश कीता जाग स केंद्र शासित प्रदेश च आगामी विधानसभा चुनाएं दे मद्देनजर, शुरू कीती गेदी इस श्रृंखला दा उद्देश्य आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ। बने र'वो स्हाड़े कन्ने ते सुनदे र'वो आकाशवाणी समाचार

<><><><><><>

Rev. Agni-4 Testing

ओडिशा दे चांदीपुर आले एकीकृत परीक्षण रेंज थमां कल दरम्यानी दूरी दी बैलिस्टिक मिसाइल अग्नि-4 दा कामयाब प्रक्षेपण कीता गेआ। रक्षा मंत्रालय नै आखेआ ऐ जे आजमाइश दे दरान परिचालक ते तकनीकी सब्बने मानकें गी कामयाबी कन्ने पूरा कीता गेआ। एह आजमाइश भारत दी रक्षा समर्थ गी मजबूत करने दी बक्खी इक होर मील दा पत्थर ऐ। इस बारे अप्रैल च भारत च ओडिशा आले समुंद्री कंडे दे नेड़े अब्दुल कलाम टापुएं परा नमीं पीढ़ी दी परमाणु समर्थ आली अग्नि-प्राईम बैलिस्टिक मिसाइल दी कामयाब आजमाइश कीती गेई ही। रणनीतिक बल कमान नै रक्षा अनुसंधान ते विकास संगठन-डीआरडीओ कन्ने मिलियै इस आजमाइश गी

कामयाबी कन्नै तोड़ चाढ़ेआ। भारत आस्सेआ विकसित अग्नि मिसाइल लम्मी दूरी, परमाणु समर्थ कन्नै लैस ते सतह थमां सतह पर मार करने आली बैलिस्टिक मिसाइल ऐ।

<><><><><><>

Forex Reserve

भारत दा विदेशी मुद्रा भंडार 30 अगस्त गी मुक्के दे हफते च 2 अरब डॉलरें शा मते दे बाढ़े कन्नै 683 अरब 90 करोड़ डॉलरें दे रिकार्ड स्तर पर पुज्जी गोआ ऐ। रिजर्व बैंक पास्सेआ कल जारी आंकड़े मूजब विदेशी मुद्रा भंडार च लगातार त्रीए हफते बाढ़ा दर्ज कीता गोआ ऐ। पिछले त्रऊं हफतें च मुद्रा भंडार च 13 अरब 90 करोड़ डॉलरें दा बाढ़ा होआ ऐ। इस दरान सुन्ने दा भंडार 86 करोड़ 20 लक्ख डॉलरें शा मते दी बढत दे कन्नै 61 अरब 86 करोड़ डॉलरें शा उप्पर पुज्जी गोआ। पेसे कडाने दे विशेष अधिकार यानि एसडीआर बी 90 लक्ख डॉलर बधियै 18 अरब 47 करोड़ डॉलरें पर पुज्जी गोआ ऐ।

<><><><><><>

Ganesh

गणेश चतुर्थी दा ध्यार अज्ज पूरे देश च धार्मिक श्रद्धा ते उत्साह कन्नै मनाया जा'रदा ऐ। एह ध्याड़ा भगवान गणेश ज्ञान, समृद्धि ते सोभाग्य दे प्रतीक न। विनायक चतुर्थी जां गणेश चतुर्थी 10एं दिनें तगर चलने आले उत्सव दी शुरुआत ऐ, जिस दरान लोक अपने घरें च भगवान गणेश हुंदा मिट्टी दियां मूर्तियां विराजमान करदे न ते उंदी पूजा करदे न। इस ध्यार दा समाप्त गणेश विसर्जन दे भव्य आयोजन कन्नै हुंदा ऐ जित्थें भगवान गणेश हुदिएं मूर्तिएं गी जल निकायें च विसर्जित करी दित्ता जंदा ऐ। मूर्तिएं गी घरें ते पंडालें शा नदिएं, झीलें जां समुंद्रै तगर भव्य ते शानदार जलूसें च लैता जंदा ऐ ते कन्नै गे गणपति बप्पा मोरेया दे जयकारे ते भजन गाए जंदे न। जम्मू च बी गणेश चतुर्थी दे मौके उप्पर केई पंडाल स्थापत कीते गोदे न।

<><><><><><>

President-VP

राश्ट्रपति द्रौपदी मुर्मू ते उपराश्ट्रपति जगदीप धनखड़ होरें लोकें गी गणेश चतुर्थी दियां मुबारकबाद दित्ती ऐ। अपने सनेह च राश्ट्रपति होरें गलाया जे हर्षो-उल्लास दा एह ध्यार समाजिक एकता ते भाईचारे दा प्रतीक ऐ। राश्ट्रपति होरें गलाया जे भगवान गणेश ज्ञान, बुद्धि ते समृद्धि दे प्रतीक न ते एह ध्यार असेंगी शांत ते कर्त्तव्यनिष्ठ बनने लेई प्रेरित करदा ऐ ते समाज एकता गी बी बढावा दिंदा ऐ। राश्ट्रपति होरें इस मौके लोकें गी शांतिपूर्ण ते समृद्ध भारत दे निर्माण दा संकल्प लैने लेई गलाया। उपराश्ट्रपति होरें अपने सनेह च गलाया जे भगवान गणेश बृद्धि, समृद्धि ते सौभाग्य दे प्रतीक न जेहड़े लक्खें लोकें दे दिलें च चेची थाहर रखदे न।

उनें गलाया जे विघनहर्ता दे रूपे च भगवान गणेश असेंगी साहस ते संकलप कन्नै चुनौतिएं दा हल कड्डने लेई प्रेरित करदे न।

<><><><><><>

LG Greeting

उपराज्यपाल मनोज सिन्हा होरें सारेंगी गणेश चतुर्थी दी मुबारकबाद दिक्ती ऐ। अपने बधाई सनेह च उपराज्यपाल होरें आखेआ जे भगवान गणेश सारी मुश्कलें गी दूर करदे न ते बुद्धिमत्ता, सीख, शैल किस्मत दे सूचक न। उनें कामना कीती ऐ जे एह ध्यार सारें आसतै खुशी, खुशहाली ते शांति आन्ने।

<><><><><><>

Paralympics

पैरिस च पैरालंपिक खेड्डें च भारत दी तगमें लेई द्रौड कल 9में ध्याडें बी जारी रेई। प्रवीण कुमार होरें मर्दे दे हाई जंप यानि उच्चि छाल आले टी-64 मकाबले च सुन्ने दा तगमा जित्तेआ उत्थें गै होकाटो होतोजे सेमा नै मर्दे दे शार्ट पुट एफ-57 मकाबले च कैह् दा तगमा हासल कीता जेहदी बदोलत हुन भारत पदक तालिका च 17मीं थाहरै पर पुजजी गेआ ऐ। भारत दे कोल हुन सुन्ने दे 6, चांदी दे 9 ते कैह् दे कुल 12 तगमें सनें कुल 27 तगमें न। राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेन्द्र मोदी होरें देसै लेई तगमे जित्तने आले खडारिएं गी मुबारकबाद दिक्ती ऐ। अज्ज इनें खेड्डें दे 10में रोज भारती खडारिएं दी नजर तारी मारने दे मकाबलें सनें, सैकलें दी रेस, किश्तिएं दे मकाबले ते एथलेटिक्स पर होग जेहदे लेई टीम इंडिया लेई तगमें जित्तने आले केई मकाबले होंगन।

<><><><><><>